



Inatsisartunut ilaasortaq  
Aqqalu C. Jeremiassen, Atassut  
/Maani

**Pisortatigoortumik tunisassiassanik nittarsaaniarnermut Kalaallit Nunaanni suliffeqarfiit tunisassiaannik toqqaasarneq pillugu §37 naapertorlugu apeqqut nr. 157-imut akissuteqaat**

26-07-2024  
Sagsnr. 2024-14323

Postboks 1601  
3900 Nuuk  
Tlf. (+299) 34 50 00  
E-mail: isiin@nanoq.gl  
www.naalakkersuisut.gl

Asasara Aqqalu C. Jeremiassen,

Inatsisartut suleriaasianni § 37 naapertorlugu takornarialerinermi pilersaarutit, takornarialerinerup ineriartortinneqarnissaani najukkami innuttaasut akuutinneqarnissaat il.il. pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput.

**Apeqqut:**

- 1. Naalakkersuisut pisortatigoortumik tunisassiassanik nittarsaaniarnermut suut najoqqutaralugit suliffeqarfinnik nioqqutinillu toqqaasoqartarpa?**

**Akissut:**

Tunisassianik pisortatigoortumik nittarsaaniarnermi suliffeqarfinnik, tunisassianillu toqqaanissamut Naalakkersuisut ullumikkut aalajangersarneqarsimasunik tunngavissatut piumasaqaateqanngillat.

Politikkikkut kissaatit, tunisassialluunniit aalajangersimasut imaluunniit immikkoortut iluini tunisassiamik nittarsaassisoqarnissaanik suliaqarfiit kissaataat tunuliaqutaralugit tunisassiassanik nittarsaassisoqakkajuttarpoq. Assersuutit atortussiassat, sermeq imerlu, takornarialerineq, aalisarneq allarluinnarluunniit assersuutigineqarsinnaapput. Taamaattumik inuussutissarsiummik nittarsaassinissamik suliniuteqartut tassaasinnaasarpur Naalakkersuisut, Kalaallit Nunaanni ingerlatseqatigiiffiit imaluunniit Danmarkil ilanngullugu nunat tamalaat akornanni ingerlatsisut, oqartussallu suleqatiginerisigut pisinnaasarluni.

Naalakkersuisut inuussutissarsiummik nittarsaassinissamik kissaateqarnerini suliaqarfimmi periusissiasatut, politikikkissatullu Naalakkersuisut akuersissutigisimasatut tunngavigineqakkajuttarput, taakkulu niuerfiit piusut nukittorsarneqarnissaanik siunertaqartarlutik, immikkut ilimanaatilinnut tunngasarlutik, nunamilu avammut nioqqutigineqartartut assigiinngisitaarsinneqarnissaat tapersorneqartarluni.

Mittarfiit qanittukkut ammartussat nittarsaanneqarnissaat siunertaralugu, novembarip 7-iani New Yorkimi aaqqissuussisoqassasoq massakut pilersaarutigineqarpoq. Greenland Airports, Air Greenland, Royal Greenland aamma Visit Greenland peqataasussatut qaaqquneqarput. Nunarput tikitassatut nittarsaanneqarnissaa pillugu, amerikamiut angalatitsinermik suliaqartorpaaluit Visit Greenlandip aaqqissuussinermut qaaqquniarpai.

Aatsitassalerinerup iluani Naalakkersuisut ukiut tamaasa Canadami Torontomi, aatsitassarsiornermik saqqummersitsinermut peqataasarput, tassanilu ujaasinerup, tassungalu atatillugu najukkami kiffartuussinernik neqerooruteqartartut iluani Kalaallit Nunaanni attuumassuteqarlutik ingerlatsisut peqatigiillutik, Kalaallit Nunaanni tuniniakkanik pisinissaminnik soqutiginnittunut nittarsaassisarlutik.

Takornarialerinerup iluani suliniutit assigiinngitsuupput. Naalakkersuisut ukiut tamaasa Vestnorden Travel Martimut peqataasarput. Saqqummersitsineq paarlakaattumik Kalaallit Nunaanni, Islandimi, Savalimmiunilu ingerlanneqartartoq.

Kalaallit Nunaanni suliffeqarfiit imermik nioqquteqartartut, ujaqqanik pinnersaasiortartut, qeqqussanik nerisassanik panertitanik tunisassiortartut, takornarialerisut il.il. nunani toqqakkani, matumani ilaatigut Kinami, Sydkoreami, Tysklandimi, Frankrigimilu tunisassianik nittarsaassinernut peqataanissaannik Naalakkersuisut siornatigut aggersarnikuuaat.

Inussiarnersumik inuulluaqquillunga



Naaja H. Nathanielsen

Inuussutissarsiornermut, Niuernermut, Aatsitassanut, Inatsisit Atuutsinneqarnerannut, Naligiissitaanermullu Naalakkersuisoq